



Emanuel Nûko
Inatsisartunut ilaasortaq
Naleraq

Tasiilami attaveqaatit pillugit § 37 naapertorlugu apeqquteqaammut 2024-030-mut akissut

20-02-2024
Suliap nr.: 2024 - 3505
ID. nr. 91032473

Asasara Emanuel Nûko

Inatsisartut suleriaasianni § 37 naapertorlugu Tasiilami attaveqaatit pillugit Naalakkersuisunut apeqquteqaateqarputit. Apeqqutit uannit akineqartussatut innersuunneqarpoq. Apeqqutit matuma kinguliani allanneqarpoq, akissummillu malitseqarluni.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1. Tasiilami eqqaanilu nunaqarfinni attaveqaatit qaqugu aaqqinneqassappat eqqortumik?

Akissut: Tusass immersueqataanissaanik noqqaaffigineqarami ima paasissutissiivoq: "Apeqqutigineqartoq, 2023-mi oktobarimi §37 naapertorlugu apeqqutigineqartumut assingusorujussuuvoq. Akissuteqarnermi tulleriisitsiumalluni, 2023-mi oktobarimi akissutigineqartoq aallarniutigalugu uteqqinneqarpoq.

2023-mi oktobarimi akissut

Flatrate Interneti 2021-mi februaarip aappaani Tusass-ip Tasiilami atulersippaa. Tamanna Tunumi arlalitsigut annertusaanikkut, qaammataasiaqarallartitsinikkullu pisinnaasimavoq – TAS aamma ILT.

Ukiuni tulliuuttuni qaammataasiatigut nuna tamakkerlugu pingaarnertut pilersuisussaasumut Greensat-imut Tusass-ip allangortiterinini 2023-mi aggustip 31-ani naammassivaa. Allangortiterineq ajornaatsuinnaasimannngilaq, ataatsimoortumillu aaqqiisummik pitsanngorsaanerit Tusass-imit kiisalu tuniniaasutsinnit ingerlanneqarluni. Ilaatigut teknikkikkut ilisimasallit sumiiffimmut ornigutsinneqarnerisigut, attaveqaatit pitsaanerulersinneqarnissaat ukkataralugu sulissutigineqarpoq.

Tasiilami Ingerlatsineriinnaanngitsumik, aammali atuisut nalinginnaasumik misigisaannik Tusass-ip annerusumik ukkatarinninnerminut atatillugu Tusass-ip Tasiilami suliffeqarfinnik, sullitanik, tunisassiatsinnillu nalinginnaasumik atuisunik arlalinnik oqaloqatiginnereernermit ajornartorsiutit allat kingullertigut allangortiterinermut toqqaannartumik attuumassuteqanngitsut, Tasiilamili sullitat/innuttaasut internetsimik atuinerinut unammillernartitsisut paasivai. Taakkua sunik patsiseqarnerisut maanna

misissorneqarpoq, attuumassuteqartullu qanimut suleqatiginerisigut aaqqinniarneqarlutik.

Tunisassiat nutaat periarfissiissutaannik nutaanik atuisugut atuisinnaanissaat Tusass-ip soqutigisaraa, tamannalu pillugu ilaatigut Tasiilami atuisunik ujartuillutik ikiorsiinissaminnik neqerooruteqartussanik, sapaatip akunnera 39-mi teknikerinik allanik Tasiilaliartitsinikkut Tasiilami atuisut sulii ikiorserniarpagut.

Tasiilami systeminut atatillugu nutarterineq


Ajornartorsiutigineqartut pillugit misileraajartortunik, atuisunillu oqaloqatiginnikkiartortunik Tusass 2024-mi januaarip 23-anit, februaarip pingajuata tungaanut Tasiilamiitseqqippoq. Tikeraarnermi tassani arlallit iluarsineqarput, atuisunullu iluaqutaasussamik systemit ataavartumik pitsanngorsarneqassallutik. Satellitsiminngaanniit ingerlaariaaseq sulisut iluarsivaat, januaarillu 29-ani inaarutaasumik atuutsilersitsinermi tamanna atuisunut annertuumik iluaqutaasimasooq paasinarluni. Tamanna teknikeritsinnit, atuisorpaalunnillu oqaloqatiginninnikkut uppersarneqarpoq.

Båndbredde (piginnaasaq) qanoq annertutigisooq iluarineqarnerunersoq, tamannalu attaveqaammut qanoq sunnuteqarnerooq misissornissaa siunertaralugu, atuisusunut internetsi sukkalisitaq Tusass-ip massakkut misilerarpaa.

Pitsaassutsip pitsaanerulersimanera ataavartumik uppersarneqartarnissaa siunertaralugu, atuisunut qaammatikkuutaarallartumik misissuisarnissaaq februaarimi aallartisarneqassaaq."

Neriuppunga qulaani allaqqasuni apeqquteqaatit akineqartoq.

Inussiarnersumik inuulluaqqusillunga



Hans Peter Poulsen